

庶物類纂

蟲屬
自六十九至七十

容

太政官文庫			
和書門	特別	一三六二號	架函
		二三四番	
		四五册	

內閣文庫			
番號	和	32362	
冊數	465 (374)		
函號	特	54	1

百内

共四十六

0 1 2 3 4 5 6 7 8 9 10


A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak







庶物類纂蟲屬卷之六十九目次
 蜈蚣

庶物類纂卷之六十九

蟲屬目次

蜈蚣


一名蜈蚣爾雅一名蜘蛛同上一名天龍本草綱目一

名百脚呂字一名百足汀州府志一名放光蟲春

縣志

俗名母ハカテ夏德ハカテ又名法夏ハカテ七相模又名澳ヲサ煞母

十同上又名法夏ハカテ十常陸州



蜈蚣

吳公綏安縣多吳公大者兔尋能以氣吸兔氣吸小者吸蜥蜴相去三四尺骨肉自消唐臨淄段成式酉陽

春秋考異郵曰土勝水故螂蛆搏蛇朱言曰螂蛆生

坎坎水也為隱伏

爾雅曰蒺藜螂蛆郭璞曰似蝗大腹長角能食蛇腦

張揖廣雅曰螂蛆蜈蚣也

莊子曰螂蛆甘帶司馬彪曰帶小蛇也螂蛆喜食其眼

抱朴子曰南人入山皆以竹管盛活蜈蚣蜈蚣知有蛇之地便動作於管中如此則草中便有蛇也蜈蚣見蛇能以氣禁之蛇即死

淮南子曰月照天下蝕於蟾蜍螾蛇游霧而殆于螂

虫且蟾蜍月中蝦蟇也食月故曰食於蟾蜍螂蛆蓋吳公也殆猶畏者也

沈懷遠南越志曰綏定縣多蜈蚣其大者能以氣吸蜥蜴

劉欣期交州記曰大蜈蚣出徐聞縣界取其皮可以

鞞鼓宋初記永亦同

王琰宜祥記曰沙門安能開者北人也嘗見蜈蚣長三尺自屋墮地旋徊而去

葛洪遐觀賦曰蜈蚣大者長百步頭如車箱可畏惡越人獵之屠裂取肉白如瓠稱金爭買以多為美上已

太平御覽

蜈蚣南越志云大者其皮可以鞞鼓取其肉曝為脯美於牛肉又云大者能噉牛里人或遇之則鳴鼓然火炬以驅逐之出嶺表錄異○太平廣記又朱崖人每晴明見海中遠山羅列皆如翠屏而東

西不定，悉蜈蚣也。蝦鬚長四五寸，此物不定，怪也。

上同

機謹按淵鑑類函嶺表異物志作嶺南異物志

宋豫章明充元嘉五年秋夕有大蜈蚣長二尺落充婦與妹前令婢挾擲婢裁出戶忽觀一媠衣服臭敗兩目無精到六年三月闔門時患死亡相繼上同爾雅曰蒺藜螂蛆廣雅曰螂蛆蜈蚣性能制蛇卒見大蛇便緣而啖其腦莊子曰螂蛆甘帶足也今俗謂之百足魯連子曰百足之蟲三斷不蹶則其所持者

衆也衆曰諸侯有爭臣五人雖無道不失其國一名
蛭方言曰馬蛭北燕謂之蛆螺其大者謂之馬陸莊
子曰夔憐蛭蛭憐蛇言夔以少而羨多蛭以有而羨
無此非造極之言蓋蛇無足亦足夔一足亦足蛭百
足亦足豈容歆羨於其間哉一名商距莊子曰使蚤
負山商距馳河三教珠英曰蜈蚣見蛇能以氣禁之
蓋土勝水故螂蛆搏蛇舊說蟾蜍食螂蛆螂蛆食蛇
蛇食蟾蜍三物相值莫敢先動是亦騎虎之義不得

下也宋陸佃
埤雅

機謹按甘帶足也邢昺爾雅疏作甘帶是也

蒺藜一名螂蛆廣雅云螂蛆蜈蚣也郭云似蝗而大腹長角能食蛇腦則非蜈蚣也莊子云螂蛆甘帶是也宋邢昺爾雅疏

蜈蚣爾雅曰蒺藜螂蛆性能制蛇見大蛇則噉其腦蛇不動而畏蛆每遇蛆亦不敢動蛆以涎繞

其足盡落宋鄭夾漈通志昆蟲草木略

蜈蚣有極大者宋范成大桂海虞衡志


潁濱釋莊子曰魚不畏網罟而畏鷓鴣畏其天也物

之畏其天誠有可恠者余里中一村童嘗見大蛙十數聚于汗池叢棘之下欲前捕之熟視乃一巨蛇蟠棘下以次啖群蛙群蛙凝立待啖不敢動又村叟見蜈蚣逐一蛇行甚急蜈蚣漸近蛇不復動張口以待蜈蚣竟入其腹逾時而出蛇已斃矣村叟棄蛇于溪山中踰旬往視之小蜈蚣無數食其腐肉蓋蜈蚣產卵于蛇腹中也余又嘗見一蜘蛛逐蜈蚣甚急蜈蚣逃入籬搶竹中蜘蛛不復入但以足跨竹上搖腹數四而去伺蜈蚣久不出剖竹視之蜈蚣已節節爛斷

如蟹醬矣。蓋蜘蛛搖腹之時，乃灑溺以殺之也。物之畏其天，有如此者。夫蛇之恣啖群蛙，自以為莫己敵矣，而不知蜈蚣之能涉其腹也。蜈蚣之斃蛇，育子自以為莫吾禦矣，而不知蜘蛛之能醢其軀也。世之人昂昂然以凶毒自多者，可以觀矣。且蛙之不能敵蛇，固也。蜈蚣小於蛇矣，而能制蛇；蜘蛛小於蜈蚣矣，而能制蜈蚣。物豈專以小大為強弱哉。宋廬陵羅大經鶴林玉露南城童漢，臣士人也。生二十一年，大厥後，故友蔡揆夢其來問訊，交際宛如平日而已。連夕或問，一夕必見。

之揆頗懼，乃徙寢它室。夢之亦然。且泣曰：自古皆有死，獨吾冤屈不可言。揆曰：君不幸正盛壯下世，但以善而死，何得云耳。曰：視我形相如何？視之，乃成大蜈蚣，累身亦足長尺餘，延緣壁間。揆驚而寤，自是不復夢。宋洪邁夷堅志

余伯祖嘗於野外見蜈蚣，逐一大蛇甚急。蛇奔過一溪，蜈蚣亦隨之。蛇之力屈不免，乃回身張口向之。蜈蚣遽入其口，俄頃蛇死，乃穴其腹旁而出。析蛇視之，已無傷矣。傳言螂蛆甘帶，螂蛆即蜈蚣之別名。宋皇甫牧



王匣記

機謹按墨客揮犀同

蝸牛不獨能伏蝟亦能制蜈蚣蜈蚣見蝸牛則不復能去蝸徐登其背以涎繞之其足盡落上同嶠嶺多蜈蚣動長二三尺螫人求死不得然獨畏托胎蟲多延行井幹墻壁上蜈蚣雖大偶從下過托胎蟲必自落於地蜈蚣為局縮不得行托胎蟲乃徐徐圍繞周匝蜈蚣愈益縮然後登其首陷腦而食之以故人遭蜈蚣害必取托胎蟲延輒生搗塗焉痛立止

且金蠶甚毒若有鬼神蜈蚣若是之強且大也然蝟

捕金蠶托胎制蜈蚣物理有不可致詰而不可知者

如此宋蔡條鐵圍山叢談

黃之東三驛地名岐亭有山名拘羅出蜈蚣俗傳其

大者衰丈土人捕得以烟熏乾之商賈歲歲販入北

方土人有致富者宛丘張來續明道雜志

蜈蚣畏油物類相感志

陶隱居云今赤足者多出京口長山高麗山茅山亦甚有於腐爛積草處得之勿令傷暴乾之黃足者甚

多而不堪用，人多火灸，今赤以當之，非真也。一名螂，
蛆。莊周云：螂蛆甘帶。淮南子云：騰蛇游霧而殆於螂
蛆。其性能制蛇，忽見大蛇，便緣而噉其腦。蜈蚣亦噬
人，以桑汁白鹽塗之，即愈。唐本注云：山東人呼蜘蛛
一名螂蛆，亦能制蛇。而蜘蛛條無制蛇語。莊周云：螂
蛆甘帶。淮南云：騰蛇殆於螂蛆。並言蜈蚣矣。臣禹錫
等謹按：蜀本圖經云：生山南谷土石間，人家屋壁中
亦有形似馬陸，扁身長，黑頭，足赤者，良。今出安襄鄧
隨唐等州。七月八月採。
嘉祐補
注本草


蜈蚣生吳中川谷及江南，今江浙山南唐鄧間皆有
之。多在土石及人家屋壁間，以頭足赤者為勝。七八
月取之，黃足者最多。人以火灸，今赤以當之，不堪用
也。其性能制蛇，忽見大蛇，便緣而噉其腦。陶隱居及
蘇恭皆以為。莊子稱螂蛆甘帶。淮南子云：騰蛇殆見
螂蛆。並言螂蛆是此蜈蚣也。而郭璞注爾雅：蒺藜螂
蛆云：似蝗而大，腹長角，乃又似別種。下有馬陸條，亦
與蜈蚣相類，長三四寸，班色，其死側卧狀如刀環。故
一名刀環蟲。書傳云：百足之蟲，至死不彊。此蟲足多

寸寸斷之亦便寸行是也本草圖經

蜈蚣背光黑綠色足赤腹下黃有中其毒者以烏雞屎水稠調塗咬處効大蒜塗之亦効復能治丹毒瘤蜈蚣一條乾者白礬皂子大雷丸一箇百步二錢秤同為末醋調塗之又畏蛤蚧不敢過所行之路觸其身則蜈蚣死人故取以治蜈蚣毒桑汁白鹽亦効宋寇宗奭本草衍義

按張揖廣雅及淮南子註皆謂唧蛆為蜈蚣與郭說異許慎以唧蛆為蟋蟀能制蛇又以唧蛆為馬蛭因

馬蛭有蛆蝶之名並誤矣蜈蚣西南處處有之春出冬蟄節節有足雙鬚歧尾性畏蜘蛛以溺射之即斷爛也南方有極大者而本草失載按段成式酉陽雜俎云綏定縣蜈蚣大者能以氣吸蛇及蜴蜥相去三四尺骨肉自消沉懷遠南越志云南方晉安有山出蜈蚣大者長丈餘能啖牛俚人然炬遂得以皮鞞鼓肉曝為脯美於牛肉葛洪遐觀賦云南方蜈蚣大者長百步頭如車箱肉白如瓠越人爭買為羹炙張采明道雜誌云黃州岐亭有拘羅山出大蜈蚣袤丈尺



土人捕得燻乾商人販入北方貨之有致富者蔡條
叢話云嶠南蜈蚣大者二三尺螫人至死惟見托胎
蟲則苟縮不敢行蟲乃登首陷其腦而食之故被蜈
蚣傷者搗蟲塗之痛立止也珍按托胎蟲即蛞蝓也
蜈蚣能制龍蛇蝎蜥而畏蝦蟇蛤蚧蜘蛛亦莊子所
謂物畏其天陰符經所謂禽之制在氣也明李東璧
本草綱目
李氏曰蜈蚣生南方處處有之生土石間及人家屋
壁中形如馬陸而光黑綠色足赤腹黃雙鬚岐尾節
節有足春出冬蟄南方山谷中有極大長尺者能制

毒蛇性畏蜘蛛蜈蚣遇之即死修治火灸去頭足用
外有千足蟲真相似只是頭上有白肉面并嘴尖把
著腥臭入頂誤用能致人死明倪朱謨
本草彙言

晉安東南吳嶼山蜈蚣千萬積成堆或云長丈餘以
作脯味似大蝦元周達觀真
臘風土記

機謹按淵鑑類函引臨海異物志餘字下有者字
莊子言即且甘帶即且蜈蚣帶蛇也初不知甘之之
義後聞崑山士子讀書景德寺中嘗見一蛇出游忽
有蜈蚣躍至自蛇尾循脊而前至其首蛇遂伸直不

動蜈蚣以左右鬚入蛇兩鼻孔久之而出蜈蚣既去蛇已死矣始知所謂甘者甘其頰也聞蜈蚣過蝸篆即不能行蓋物各有所制如海東青鷲禽也而獨畏燕象猛獸也而獨畏鼠其理亦然明陸容菽園雜記
機謹按今獻彙言甘之作甘帶蜈蚣過作蜈蚣過海東青作海青

鶴林玉露四虫云冰蚕不知寒火蛆不知熱蓼虫不知苦螂蛆不知臭前三物是矣螂蛆甘帶者乃蜈蚣也以為糞蛆誤矣陸文量云帶蛇也甘者甘其腦也

古有啣蛆甘帶鴟鴞嗜鼠之語○明李訓戒菴漫筆

蜈蚣畏雞雞死而蜈蚣穴之此有情無情報應之必然

陸深知命錄

上今有司造成均多蜈蚣築土峯以鎮之號雞鳴山

自是蜈蚣頓息又造士人肄業案座以獨木堅厚曰

秀才頑毋敗吾案江東沈文聖君初政記

物之瘦者蜈蚣葛洪遐觀賦蜈蚣大者長百步頭如

車箱屠裂取肉白如瓠南越志云大者其皮可以鞞

鼓其肉暴為脯美于牛肉劉元卿賢爽編

茉莉花勿置床頭引蜈蚣當忌

錢唐瞿祐居家宜忌○續說郛

機謹按明馮應京月令廣義引保生錄無當忌二字

物之瘦者蜈蚣輕者蝴蝶嶺南異物志見有物如蒲帆過海將到舟競以物擊之破碎墜地視之乃蝴蝶也海人去其翅足稱肉得八十斤噉之極肥美葛洪遐觀賦蜈蚣大者長百步頭如車箱屠裂取肉白如瓠南越志云大者其皮可以鞞鼓其肉暴為脯美於牛肉

明王元美宛委餘編

螂蛆甘帶莊子帶小蛇也螂蛆施禁法蛇自開口聽其入而食或以氣禁之蛇即死矣南人入山者以竹管藏螂蛆遇有蛇地則動於管中蛇自驚竄

明范貞一典籍

便覽

開寧縣多吳蚣大者皮可冠鼓

明陳繼儒珍珠船

天寶四載廣府因海潮漂一蜈蚣死割其一爪得肉一百二十斤

同上

張仲虛吳人有道人炊火一蜈蚣伏火筒中誤吸入腹張命碎生雞子數枚取其白傾碗中令啜之良久

痛少定，索生油與燕之，須臾大吐，則雞子與蜈蚣纏束而下。明陳布顏事
言要玄集

洪武己酉吳山三茅觀雷擊白蜈蚣，長尺許，廣可二寸，有楷書秦白起三字，會稽宋允常親見之。嘉靖十四年六月雷擊徐氏園中棗樹，中書右衛王通所五字，漶漫不可讀，則予親見之，皆理之不可臆測者也。

明田汝成西湖遊覽志餘

嘉興天寧寺有蜈蚣，長七尺許，時出簷際，人間見之而不為害。一日雷震其後殿，遂不復見。南京報恩寺

塔頂有蜘蛛，大如斗，垂絲數百丈，直至南城樓後，亦為雷所擊，俗云物大則有珠，故龍來取之。候官水西村，民擊殺一蛇，其大異常，剝其皮，挂肉於柱，雷霆殷殷，遠簷角不散，眾懼而棄之野。余謂此亦當有珠，故龍以雷至，惜村人無辨之者。明陳留謝肇淛五雜俎

蜈蚣長一尺以上，則能飛，龍畏之，故常為雷擊。一云龍欲取其珠也。余親見人懸食器於空中者，去地七尺許，一大蜈蚣盤旋窺伺，無如之何，良久於地下作勢，頭尾相就如彎弓狀，一奮擲而上，即入器中矣。同上

蜈蚣一名螂蛆夜觸物即放光自禦明馮應京月令廣義

弘治間舶販入占城國陟山而薪山麓石潭深不可測方日影西下忽聲響如雷眾驚異升木伺之俄有巨蛇色如鐵兩目如炬奮迅觸石崩墮入潭中隨有蜈蚣長可七尺騰躍而旋潭逐之毒沫射潭水面如油抵暮潭面火燄高尺許熟視之其光自蜈蚣甲間出燁燁燭山谷遲明下山見蛇蹠踣死潭間因剥其皮肉載回島夷一見即鬻其皮以五十金肉百金隨究詰之夷奴咲曰漢人不識寶此龍也皮鞞鼓聲聞

二十里一皮可作七鼓肉為鮓貨國中值又幾倍矣

明徐成鳳玉梅館漫錄

螂蛆甘帶小蛇螂蛆喜食其眼李日華時物典彙

開寧多蜈蚣大者其皮可冒鼓肉曝為脯美于牛肉

蜈蚣畏蛤蜊不敢過所行之路觸之則死同上

廣雅云螂蛆吳公也性能制蛇卒見大蛇便緣而噉其腦或曰蛇虺見之而蟠伏螂蛆當其前以施禁蛇即開口螂蛆入食其腸復穴其旁而出莊子曰螂蛆甘帶帶小蛇螂蛆喜食其眼葛洪賦云吳公大者長

百步頭如車箱屠裂取肉白如瓠爭買為羨明王思義三才

續集

蘇人出商于外其妻畜雞數隻以待其歸數年方返殺雞食之夫即歿隣人疑有外奸首之太守姚公鞠之無他故意其雞有毒令人覓老雞與當歿囚遍食之果殺二人獄遂白蓋雞食蜈蚣百蟲久則蓄毒故養生家雞壳不食又夏不食雞馮夢龍智囊補按蜈蚣最似百足蟲第百足蟲足較細密死而不僵頭上有白肉面及尖嘴其毒更甚勿宜輕用明李仲梓藥性

解

蟲屬 蜈蚣

庶物類纂
卷之七十
目次

庶物類纂蟲屬卷之七十目次

蜈蚣

庶物類纂
卷之七十

蟲屬目次

無物類纂

蜈蚣

碧光○予一日晚如廁見後室有梨木字板二片合置几上側縫有碧光一道射出寸餘舉而揭視中有碧光數點瑩然相叢二木皆然締觀之宛然螢火也久之不滅及排房闔視之燈下無有矣因以語室人大以為異室人曰此蜈蚣光也家居時暑夜納涼親見有光三寸許遊壁間近視之蜈蚣也隨足所踏皆碎光其唾涎亦成光噓氣亦成光此豈蜈蚣所致也歟予聞之尋光處絕無痕迹可見又考諸類書蜈蚣

一名螂蛆，一名蒺藜，一名百足，一名馬蛇，一名蛆，一名蠅，
 一名馬陸，一名商距，初無此一種，豈古書所載亦有
 遺於見聞所不及者歟？又世人恆言鬼火，夫鬼無形
 與聲者也，安能為火？豈亦此其類也歟？又世人恆言
 浮屠中有舍利光，舍利者佛之法身所煉，有骨舍利，
 髮舍利，肉舍利，血舍利，夫佛既涅槃矣，寂滅矣，安得
 有光？豈亦此其類也歟？因識之以質諸博物者。明劉仕義
新知錄
 大吳川谷中最廣，江南亦有之，背綠腹黃，頭足赤而

大者為公，黃細者為母，用公不用母，故曰公。李樞醫學入門
 大蜈蚣皮可鞣鼓，肉白如瓠，暴為脯，味佳。安南○明豫章羅日
裴咸賓錄
 蜈蚣制蛇而畏蚯蚓，每遇蚯蚓即不敢動，蚯蚓以涎
 繞其足盡落。通志他書不見此說，疑鄭誤。明陳耀文天中記
 蜈蚣一名螂蛆，性能制蛇，卒見大蛇便緣而啖其腦。
 莊子所謂螂蛆甘帶，是也，帶小蛇也。明彭大翼山堂肆考
 三教珠英，蜈蚣見蛇能以氣禁之，蓋土勝水，故螂蛆
 搏蛇。同上

燕勿類集 卷下 蟲屬 蜈蚣 三

史記曰騰蛇之神而殆於螂蛆淵鑑類

關尹子曰螂蛆食蛇蛇食蛙蛙食螂蛆互相食也雅埤

廣要曰三物相值莫敢先動同上

東哲發蒙記曰雞以蜈蚣為酒謂食之即醉也同上

物類相感志曰蛇虺見之而蟠伏螂蛆當前似施禁

法蛇即為之開口螂蛆入食其腸復穴其傍而出同上

南越志曰閩寧縣多蜈蚣其皮可以鞣鼓取其肉曝

為脯美於牛肉同上

異物志曰東南海中蜈蚣長數丈能噉牛里人秋冬

間遇之則鳴鼓燃火炬以驅逐之同上

紀聞集曰唐杜曄使嶺南至康州見蜈蚣大如筭天

寶四載廣州因海潮淹一蜈蚣死割其爪得肉一百

二十斤同上

續博物志曰李勉在汴州得異骨一節可為視南海

時得於海高云是蜈蚣脊骨同上

機謹按唐宋叢書中有司徒之二字

蜈蚣大吳川谷中最廣江南亦有之背綠腹黃頭足

赤而大者為公黃細者為母用公不用母故曰公清劉

若金本
草述

制蜈蚣法。○人見蜈蚣，指以劍訣，或搔髮，或作雞聲，則蜈蚣不行，行亦不快。鹽乾菜水滴蜈蚣，即死。以鹽菜炒雞蜈蚣，亦不食。清皖桐方氏物理小識

表中即醉叟傳云：楚西荆澧之間，有一異人，著七梁冠，身衣錦繡，狀甚奇古，腹如斗大，鬚長尺餘。若五十許人，皆呼之為醉叟。隨行惟一弟子，手携黃竹籃，籃中盡貯乾蜈蚣、蜘蛛、癩蝦蟆及一切蟲。螿之屬，人或窺之，無不駭走。問其所畜諸毒何故，答曰：天寒，賴以

佐酒，此物亦非可卒致也。市中童見爭覓毒蟲數十種，見異人飲時，悉以供與，皆擘而生嚼之，如得未嘗。若噉其蟲之極細小者，輒浸杯中，頃之與酒俱盡。蜈蚣長五六寸者，則夜雜以松柏枝葉去其鉗，生置口中，赤瓜猙猙，涎涎鬚鬚之際，觀者股慄，咸大怪之。多有惶怖逃去者，異人恣意飲，陷似有盈味，嘗曰：噉味最美，惜南方所無。蜈蚣亦佳，味又次于噉。知則以小者為貴。諸蟲中惟螿不可多食，多食悶人。一日之間，嘗過十餘家，飲更不殺食，盡日沉酣而已。或于古廟

中醉臥三日五日或宿人家屋簷下口中提萬法歸
一一歸何處八字行住坐臥斯須不忘言人往事率
多奇中人以苛禮相苦便欲出門及置酒又復欣然
乞一醉然後去也清來元成博學彙書
蜈蚣赤腹黑頭多足善啗蛇食其蝨能螫人酉陽雜
俎曰緱定縣蜈蚣大者能以氣吸蛇及蜥蜴相去三
四尺骨肉自消南越志曰南方晉安有山出蜈蚣大
者文餘能啖牛里人鳴鼓然炬逐之得其皮可鞞鼓
葛洪遐觀賦曰南方蜈蚣長百步頭如車箱肉白如

瓠越人以為羨灵一名卽且又蔡條鐵圍山叢談嶠
嶺蜈蚣長二三尺螫人獨畏托胎蟲蟲延行井幹牆
壁上蜈蚣偶從下過蟲必自落于地蜈蚣為局縮不
得行蟲徐繞周匝啗其蝨食之人遭蜈蚣毒取托胎
蟲生搗塗之痛立止清廖文英正字通
蜈蚣俗呼百腳清盧德升諧聲品字箋
蜈蚣性能制蛇卒見大蛇便緣而啖今俗謂之百足
舊說蟾蜍食蜘蛛蜈蚣食蛇蛇食蟾蜍三物相值莫
敢先動汀州府誌

燕勿頭集 卷三 蟲屬 蜈蚣 六

交州記曰大蜈蚣出徐聞界取其皮可以冒鼓南越志取其肉曝為脯美於牛肉又云長數丈能噉牛或遇之則鳴鼓燃火炬以驅逐之葛洪遐觀賦曰蜈蚣大者長百步頭如車箱可畏惡越人獵之肉白如瓠

廣東通志

蜈蚣出汝陽圖經云唐鄧亦有之多在土石垣壁間以頭足赤者為佳爾雅謂之螂蛆方言謂之馬蛭又謂之蛆蝶又謂之馬陸皆即此也廣雅曰蜈蚣性能制蛇見之則緣而啖其腦或曰蜈蚣見蛇能以氣禁

之耳河南通志

爾雅作螂蛆俗呼短者曰蜈蚣長者曰百足春出冬蟄節節有足足赤腹黃雙鬚岐尾性能制蛇而特畏蜘蛛螫人最毒以醬塗之立解又有如百足而小者長三寸許夜緣屋壁火光爛爍色雜紅綠以手觸之著處放光逾時不散故呼為放光蟲蟲近飲食最毒誤食之令人腹痛欲死飲燒酒愈難救藥立取雞肉作湯服之痛即止

陽春縣志

爾雅作蒺藜亦作螂蛆莊子曰螂蛆甘帶淮南子騰

蛇游霧而殆於螂蛆往能制蛇見大蛇便緣上噉其
腦今俗呼百足蟲雄色赤雌色青見蛇龍皆喜噉之
其大者遇天雨每欲奮起制龍故雷常擊蜈蚣又一
種草蜈蚣身短足少然亦蜈蚣類也生草間高要縣志
爾雅曰蒺藜螂蛆即此盛京通志
土人呼為百脚赤頭足者良陶隱居云赤頭足者多
出京口於腐爛積草處得之丹徒縣志

機謹按鎮江府志同

螂蛆也莊子曰即且甘帶漳浦縣志

蜈蚣被其毒者桑汁白鹽塗即愈南昌府志

蜈蚣蛇與蜈蚣皆能傷人而蜈蚣顧能殺蛇蜈蚣者

即且也逐蛇蛇輒張口蜈蚣入則吮其髓故莊子曰

即且甘帶撫州府志

蜈蚣一名螂蛆性能制蛇而畏蜘蛛螫人有毒惟以

醫敷之立解封州縣志

蜈蚣能制蛇莊子稱螂蛆甘帶淮南子云騰蛇殆於

螂蛆即此三山志

蜈蚣生土石間一名螂蛆能制蛇江西新城縣志

螂蛆俗名蜈蚣能制蛇喜啖蛇腦亦名百脚仁和縣志

蜈蚣常在土石屋壁間多足雖寸寸斷之亦能行動

可入藥外科用之鉛山縣志

蜈蚣腐草所生足有青赤二種台州府志

爾雅謂螂蛆多足能制蛇詳藥物下丹徒縣志

蜈蚣頭足赤腹黃背黑綠性能制蛇一名天龍幾輔通志

蜈蚣爾雅謂之螂蛆方言謂之馬蛇多足能制蛇見

之則緣而啖其腦或白蜈蚣見蛇能以氣禁之耳赤頭足者入藥良金壇縣志

蜈蚣赤腹黑頭多足爾雅謂之螂蛆能制蛇緣而啖

其腦魯連子百足之虫雖斷不僵即此也諸羅縣志

蜈蚣爾雅謂之螂蛆性能制蛇卒見大蛇便緣而啖

其腦春秋考異郵曰土勝水故螂蛆搏蛇魯連子百

足之蟲雖斷不僵即此漳州府志

蜈蚣生卑濕處身黑頭赤足黃而多大者生鱗性能制蛇九江府志

屏外類纂
卷之七

Handwritten text on the right edge of the page, likely a page number or title, written vertically in Japanese characters.

